

Wainlalangare ole erere  
Rurumong ake nge a Daniel ome laionre ole pen



Daniel na  
laionre ole  
pen



Ako Edward Hughes i wat i

Ako Jonathan Hay i wat a seire

Ako Mayr-Anne S. i pakomkmoes i

Ako Hobson Mimi i eksing i

Wainlalangare ole erere ake  
Bible for children i pavelpol i  
[www.M1914.org](http://www.M1914.org)


©2019 Bible for Children, Inc.

I sivenga ako aro ong printim Rurumong ake na sung polpol i a  
tokokoere nge. Ave mothong tova ong el umtun eve ur pelie nge  
Rurumong ake omanga eve salimnga.




Darius ini nepes Babilon anga ma i atealpot toko  
powe ninenga or 120 mo ako aro o opoal i nge toko na  
seng Babilon angare otthealnga, lama i atealpot mun


toko orme nge took  
or 120 aken mo o  
mukal nge took  
alavusnga  
areken.



Nepes a Darius i pavothal nge a Daniel, mako i sung menong ako aro i velpol ini rumremore othealnga.



Ma mukalinga mun pelie ako o mus i nge menong  
aken, mako o kath sovengalo aka aro ini a Daniel ia  
theki mo aro nepes a Darius aro i paomelal i nge.




Ma mukalinga areken o tongporum so pelie ave avele  
eneke, Daniel ini toko vengvenga na ini toko ako i  
avrum senu na ini toko ako ile avrumong i vengveng  
na ile mire i mengmeng avele.



Ma toko musonga areken olemi mire ako ve toko e i pavurvur aro i mitroal a Daniel nge a Patenger ilotualnga avele, mako aken ini so ako aro o teltun a Daniel ia nge.




Mako Daniel ile ngarang  
areken o pavelpol  
sovengalo e ako aro o  
teltun a Daniel ai nge ma  
ini patorong ponganga  
ako o kin tomo i nge a  
nepes a Darius na  
patorong aken i vene,  
toko alavusnga aro o  
lotual inga nepes a  
Darius na arove toko e i  
avsa patorong aken aro  
asesnga a laionre ole vol.



Mako nepes a Darius i watu sele a erere aken nge  
ma i velpol sele ini ile riong kinnga.



Na Daniel i panes kek patorong  
aken avele, ma i kis inga ako ini  
ile vothung ako i nong a  
Patenger nge ako i voth a pen  
aurvet, na i oma venen aken  
paorme nge nang alavusnga toth  
a ile vel a thepolpotinga.






Ma toko musonga areken o thepol  
ako i venen aken lale, mako o es ma o  
pamilem a nepes  
nge, mako Darius  
i sung riong ma  
o rere a Daniel  
eneke, i avsa nepes  
ile patorong lale  
aveto nepes ilemi  
voth nge vothung aken  
ma i kath so ako aro i eksing  
patorong aken nge, ave i  
pavurvur ol avele eneke,  
ini ile riong  
kinga lale.



Mako o rere sele a Daniel mo o sesu i a laionre ole pen mo an i mo i rin, lama nepes a Darius i ria Daniel ve, "Lom God ako ong lotual i evelelnga aro i vuralal lom naro i paseral ong nge pen aken."



Ma nge pemliknga aken nepes i nongnong kek avele,  
mako rupo alal, mako nge nang ainnga nepes a  
Darius i opotalalpot mo i porumtet a Daniel ako i  
voth a laionre ole vol lemi.




Lama nepes a Darius i lenga ve, "Daniel ong ini God ako i mimi evelenga ile umonga lom God aken kene i paseralvet lom nge laionre?" Ma i ri tova aro i olal werer ol ikei avele, ave i kukuk ako Daniel i olal werer mun ikei.



Ma Daniel i  
lenga ve, "O!  
Nepes lek God  
i pakeu ile  
ensel ma i  
monkup laion  
areke owo ma  
o pun kek tho  
avele. Na tho  
oma vothung  
saliknga e  
avele a ong  
nge. Na  
tho ri ake  
nungannga."



Mako Nepes a Darius iopo vurpoltet ma i ria ma o  
pontet wererpot a Daniel a laionre ole vol lemi nge  
me.



Na nepes a Darius ilemi  
mire nge lale ve Patenger  
inga ako i vuralal a Daniel ile na  
Daniel ile ngarang areken or ini  
a Patenger ile ngarang mun  
re, mako i sung riong  
engenga ma o rere  
areko o pathosire  
i nge ile riong  
kinnga aken,  
mako o ases mun  
or a laionre ole  
pen nge, mako  
laionre o an  
sele or.



Ma nepes a Darius i sis ve aro rumremo alavusnga  
aro o nongpol kimaing ako nge a Patenger ako i voth  
a pen aurvet nge ile paseraling nge ile toko umonga  
a Daniel, mako i wat mos mun patorong mo toko na  
seng alavusnga aro o lotual ol a Patenger, lamako  
o sung werer mun  
mukaling a menong  
a Daniel nge.



Daniel na laionre ole pen

God ile erere a rurumong i voth nge

Daniel 6

"God, lom riong i sung mire ninenga a  
tokoere nge." Voing 119:130





Ireaken,  
i vus



Rirumong sivesivengaere ako i voth a Patenger ile erere  
lemi ako i pamen it alavusnga na i sis ve aro lemire mire nge ako ve ini ao.

Patenger ilemi mire nge ler vothung kerengare lale, na vothung kerenga  
kene olonga ini rinong, aveto Patenger ke kene ile asaguong i aulonga  
rintet, mako i pakeu itun omolenga ako mo aro i mon a won ngoronga nge  
mo ini ler vothung kerengare paolalnga. Ma i rin mako i mimi werer mun,  
mako i voth ol a penaurvret! Na arove lomumo nge i na ong nong  
tangosinga a i nge aro i eltetpot lom vothung kerenga na akennga i  
nunganga aro i velpol ini ol om pomnga naro i mimi a ong nge naro i  
votth tomo nge ong evelelnga aka aro ile vusonga avele.

Tova ve lomumo ve riong ake i nunganga aro ong nong ve, O, teik a Jisas  
ong ini ok pomnga na ong ini Patengemem mun na ong velpol ini toko ma  
ong rin nge lemem vothung kerengare lama ong mimi werera mun, make  
ponange tho nong tangosinga a ong nge wot mo aka aro lomum simikal lek  
vothung kerengare naro tho el mimiong ponganga. Na nge nang sivenga  
omole aro tho votth tomo nge ong evelelnga naro ong opoal mun tho mo aro  
tho nongal keum, naro tho panes ong ranga ve ini tum. Inunganga

Evelelnga aro ong tital a Toko Pomnga ile erere naro  
ong lengleng tomo nge i nge nongong. Jon. 3:16

